

1,1
*Reverendissimo, Perillustri, Eximio &
Amplissimo Viro ac Domino*

**D. CHRISTIANO
STEINHEWER**

**Ss.tæ Theologiæ Doctori ac
publico Professori, Sacri Canonici Ordi-
nis Præmonstratensis Ecclesiæ Steinfel-
densis ABBATI ac Prælato Dignissimo
per Provincias Westphaliæ, Iveldiæ, &
Wadegotiæ, Vicario Generali, Archidia-
cono in Comitatibus Schleiden & Reif-
ferscheidt, Domino in Marmagen,
Wehr & Wildenburg &c.**

**Patrono & Mecænati perquam Gratioſo
inſcripta oblata & dedicata.**

*Reverendissime, Perillustris, Eximie &
Amplissime Domine Mecenas omni
observantiâ Colende.*



Ræsumptionis Notam merito
timerem *Reverendissime &
Eximie Domine*, quasi alie-
num tibi offerens, quod non
dico debitum, sed summo jure tuum est,
nisi gratiosa, qua singulos excipere soles,
benevolentia timorem dissipasset, fir-
mato igitur diu deliberato consilio Tho-
misticæ Theologiæ studentes præsertim
in Alma Ubiorum Universitate, Religio-
sos oneroso & diuturno labore Tractatus
Theologicos vel dictatos calamo excipi-
endi, vel ab aliis conscriptos describendi,
ex parte exonerandi, tum ut tempus
sæpe satis augustum utiliùs Lectioni lecto-
rumque meditationi impendi possit; tum
ut materia typo data non tot admittat
errores, quot descripta admittere con-
suevit, non ultrâ sollicitus inquisivi, cu-
jus Nomini Volumina, quo magis ab
æmu-

Dedicatio

emulorum insectationibus immunia forent, inscriberem, ad Te enim, ut eximium Studii Thomistici Promotorem quasi digito monstrans, me direxit sacra Coloniensium Facultas Theologica, quæ ut latius flores suos in scientiis expanderet, sub Te non tantum in album Magistrorum de consilio Regentium relato, verum etiam autoritate Decanali præside virorem & vigorem suum enutrire voluit; direxit me florentissimum in Ubiorum Metropoli S. Norberti Collegium, quod tuum in promovendo studio Theologico zelum tot vivis comprobatis argumentis, quod sub tuâ directione numeravit Alumnos, testes exceptione majores compello, quotquot ex eodem Te Præside præclari scientiis ac virtutibus illustres Viri prodiêrunt, in quorundam capitibus fulgentes modo Abbatiales Mitræ, quid de reliquis sit judicandum, abundè testantur. Monuit me etiam laudatissimum Collegium illud Apostoli 1. Cor. 9. *Quis plantat vineam, & de fru-*

Dedicatio.

Et tu ejus non edit ? quis pascit gregem & de lacte gregis non manducat ? Fructus enim Vineæ, quam nullis sat præconiis deprædicandi Antecessores tui plantarunt, est, quidquid in his Voluminibus proponitur: Cum inter Candidum sanctissimi Patriarchæ Norberti gregem versans vel in charta consignavi, vel ore tenus tradita didici ea, quæ sine invidiâ communico. Direxit me denique ad Te *Reverendissime Præsul* fœcunda scientiarum & virtutum Parens celeberrima Abbatia Steinfeldensis, quæ sub tuo regimine longævo prosperetur ac perennantia capiat incrementa. Numerabat complures, è quæis Dux fieri quilibet aptus erat. Veruntamen probè cognoscens tuum in conjungendis cum virtutibus scientiis ardorem Te sibi delegit in sponsum ac nutritium, ut plures scientiarum & virtutum foetus edere possent, hæc inquam fiduciam firmavit, fore, ut sub Tuo Patrocinio securissimè in publicum prodeant Volumina unicè juvandis Religio-

Dedicatio.

ligiosorum Thomisticis studiis destinata;
suscipe igitur eâ, quâ soles, benevolentiâ
oblata, eaque tuo favore dignare, ut
eodem salva quò in plurium utilitatem
cedant, eò plures Vota sua ad Deum
dirigant pro diuturnâ conservatione *Re-
verendissimæ Dignitatis Tuæ* in Candidi
Ordinis tui præcipuè concreditæ tibi Ab-
batiaæ florem ac totius Ubiorum Uni-
versitatis incrementum in omni corporis
& animi prosperitate

Ità vovet Coloniae 24. Novembris 1733.

*Reverendissimæ, Perillustris Eximiae &
Amplissimæ Dignitatis Tuæ*

Infimus Cliens

F. Thomas Schmitz

Benedictinus Brauweilerensis.